

Кылбурез усьтэ кырҙан

**Йөскалык библиоте-
каын ортчиз кылбур-
чилэн Ада Диевалэн
«Югыт» (12+) кни-
гаеныз тодматскон.
Пумиськонэ авторлэн
эшъёсыз, писательёс,
кырзасъёс, журнали-
стъёс лыктйзы.**



Ада Диевалэн «ВКонтакте» баянсыз

Ада Диева «Югыт» книгаеныз тодматэ.

«Югыт» — Ада Диевалэн 3-тй книгаез. Татчы пыризы берло аръёсы гожтэм чуръёсыз. Презентациез но Ада Заитовна аслаз чуръёсыныз кутскиз, озыы жытлы аспөртэм мылкыд сётыны тыршиз. Жыт чоже кылбурчи усьтйськиз пөртэм сямен — кырзась, крезьгур гожьясь, кылысь кылэ берыктйсь, журналист, кылэз эскерись, ужрадъёс ортчытьяс...

Ада Диева вордйськемын Башкортостанись Янаул ёросысь Вотская Ошья гуртын. Выжыезъя сопалась ик луэ тодмо удмурт тодосчи, кылысь кылэ берыктйсь Риф Насибуллин. Соин ик Риф Шакрисламович валэктйз, маин Башкортостанись удмуртгъёс (камсьөр удмуртгъёс) висъясъко, кытынгес соос уло. Тодосчи шараяз

Адалэн улонысьтыз тодмотэм учыръёсты но. Озыы Риф Шакрисламовичлэн кивалтэмез улсын потэм 8 том диалектологической атласын вань Ада Диевалэн тыршемез но. Кылбурчи ас вордйськем гурт котырысьтыз диалектэз бичам, чылкак тодмотэм удмурт кылъёсты но шедьтылэм.

— Диалектологиез азинтонэ но со бадзым пытты кельтиз — 2 сюрс 200 юанъёсья материалъёс люказ, — пусйиз Риф Насибуллин — тужгес мййиез юалляськонэ пыриськем аядми — 1936-тй арын вордйськемын. Озыы Ада Заитовна туж узыр материал люказ...

Ада Диевалэн кылбуръёсыз пумысен малпанъёссэс

веразы филология наукаосъя доктор, профессор но кылбурчи Василий Ванюшев, филология наукаосъя кандидатгъёс Галина Глухова, Виктор Шибанов, Александр Шкляев но мукетгъёс.

— Ада Диевалэн творчествоаз огъя тема — яратон, — пусйиз Галина Анатолевна. — Со адымиез гинэ өвёл, аслэстыд чыжы-выжыостэ, инкуазез, вордскем шаердэ яратон. Кылбуръёсаз чыжы-выжыоссэ герзало 2 образъёс: палэзпу но льёмпу. Лирической героюз но аспөртэмлыко. Со өвёл романтик, инбае но туба ке но, котьку музъем вылтй ветлэ. Азъвылзэ но, вуонозэ но чакла.

Нош Виктор Шибанов пусйиз, нылкышно кылбуретын бадзым вожвълъяськон (конкуренция) сярысь. Солэн верамезъя, удмурт нылкышно кылбурет яркыт пушйыны кутске 1994-тй-1995-тй аръёсы. Туннэ нуналлы ог 30 нылкышно кылбурчиос сярысь вераны луоз. Ада Диева со конкуренциез шөдэ, оло, соин но магистратурае дышетскыны пыриз на.

Александр Шкляев пусйиз А. Диевалэсь Удмуртиысь Писательёслэн огазеяськоназы ужамзэ, жеч организатор луэмзэ. Угось, чапак солэн сюлмаськеменыз, Анатолий Демьяновлы Удмуртиысь калык писатель ним сётэмын вал, литературоведлы Зоя Богомолвалы мемориальной пул лэсьтэмын, трос концертгъёс дасямын. Уно аръёс чоже Ада Диева пыриське «Удмурт Кенеш» огазеяськонлэн Ижысь Ленин ёросысь ёзэзлэн указ но.

— Солэн кылбуръёсыз шоры чем учкыло композиторъёс, — шуиз А. Шкляев. — Куке мон кылзйсько Надежда Уткинаез, малпасъко: Ада Диевалэн та кылбурез шоры мон мукет сямен учкисько вал, нош учке ай, кыче со чузъяське кырҙан луыса! Кыззы кырзась со чуръёсты усьтыны, ватсаса мылкыдзэ сётыны быгатэ...

Жыт чоже Ада Диевалэсь кырҙанъёссэ быдэстйзы Ижысь «Инвожо» ансамбль, Любовь Быкова кырзась но мукетгъёс.

Елена ВАСИЛЬЕВА